

मार्निंग डोगरी न्यूज़ बुलेटिन, समें. 09.20 Hrs

<><><><><><>

एह आकाशवाणी जम्मू ऐ, बडलै खबरें च तुंदा सुआगत, पैहले खास-खास खबरें कन्नै विजय बजाज।

Headlines

1. लेफ्टिनेंट गवर्नर मनोज सिन्हा होरें जम्मू-कश्मीर च झूठा ते गलत प्रचार करने आहले शरारती ते देश-दुश्मन तत्वें दा मुकाबला करने लेई अज्जै-कल्लै दी टेक्नोलॉजी दा पूरा-पूरा इस्तेमाल करने दा आहवान कीता ऐ।
 2. नगरोंटा ते बडगाम असैम्बली हलकें च होने आहले उप-चुनांस लेई नामांकन पतरें दी जांच अज्ज कीती जाहग।
 3. जम्मू-कश्मीर विधानसभा दे कल्लै थमां श्रीनगर च शुरु होने आहले इजलास लेई सब्बै तैयारियां मुकम्मल - स्पीकर होरें बिजली दे बकायें लेई इक्कै-बारी छूट देने सरबन्धी पीडीपी दे प्रस्ताव गी स्वीकार करी लैता ऐ।
 4. केन्द्र सरकार ने आपरेशन सिंदूर सने बक्ख-बक्ख अभियानें दुरान शानदार प्रदर्शन करने लेई रक्षा कर्मिणं गी वीरता पुरस्कार प्रशस्ति पत्र प्रदान करने लेई गैजेट अधिसूचना जारी कीती ऐ।
 5. रोशनिणं दा ध्यार देआली - समूलचे जम्मू-कश्मीर च जंदे संगारें ते मंगलवारें पूरे जोश ते आस्था दे कन्नै मनाया गेआ। ध्यारें दुरान मुख्य भरै च चीजें-बस्तें दी रिकार्ड बिक्री दर्ज कीती गेई।
- हून खबरें दी तफसील कन्नै जगमोहन शर्मा।

<><><><><><>

LG-Fake Narrative

उपराज्यपाल मनोज सिन्हा होरें जम्मू-कश्मीर च झूठा ते गलत प्रचा करने आहली शरारती ते देश दुश्मन तत्वें दा मुकाबला करने लेई अज्जै-कल्लै दी टेक्नालजी दा पूरा-पूरा इस्तेमाल करने दा आहवान कीता ऐ। कल श्रीनगर च पुलस यादगारी ध्याड़े दे सिलसिले च लोआए गेदे इक कार्यक्रम दुरान अपने संबोधन च एल.जी होरें आखेआ जे गलत ते झूठे प्रचार दे प्रसार पर रोक लाने ते ऐसी कोशशें गी कामयाबी कन्नै नाकाम बनाने लेई नमी टेक्नालजी दा इस्तेमाल पुलसै लेई इक ताकतवर ते असरदार थेआर साबत होई सकदा ऐ। पिछले 5एं बरें दुरान केंद्र शासित प्रदेश च आए दे बदलावें दा जिक्र करदे होई एल.जी होरें जम्मू-कश्मीर च स्थाई रमानदारी कायम करने पर जोर दिंदे होई इस गल्लै गी यकीनी बनाने लेई आखेआ जे कुसै बी बक्खवादी तत्व या उंदे आकाणं गी जम्मू-कश्मीर दा माहौल खराब करने दी इजाजत नेई दिती जा। उर्ने आखेआ

<><><><><><>

Scrutiny-Bypolls

11 नवंबर गी होने आहले नगरोटा ते बडगाम विधानसभा सीटें लेई उपचुनांs लेई तैयारियां जोरें-शोरें जारी न। इस चुनांs लेई दाखल नामांकन पत्रें दी जांच-पड़ताल अज्ज कीती जाहग। आकाशवाणी दे जम्मू संवाददाता नै जानकारी दिती ऐ जे इनें दौनें सीटें लेई कुल 33 मेदवारें अपने नामांकन दाखल कीते देन जिंदे चा 20 नै बडगाम ते 13 नै नगरोटा सीट पर अपनी नामजदगी दाखल कीती दी ऐ। चुनांs पूरी चाल्ली सुतंत्र, पारदर्शी, साफ-सुथरे ते बवस्था आहले ढंगे सिर करोआने लेई चुनांs प्रशासन आसेआ पूरे हल्के च थाहरें-थाहरें नाके लाए देन ते बक्ख-बक्ख इलाके च सी.सी.टी.वी कैमरे राएं नेड़मी तक्क रक्खी जा करदी ऐ। कोई बी मेदवार जेकर चाहन तां 24 अक्टूबर तगर अपने ना वापस लेई सकदे न। मतदान 11 नवंबर गी होग जिसलै जे वोटें दी गिनतरी 14 नवंबर गी होग। पूरी चुनांs प्रक्रिया दरान रमानदारी ते बवस्था बनाई रखने लेई सुरक्षा दे बी निग्गर बंदोबस्त कीते गेदे न।

<><><><><><>

LA-Session Prep

जम्मू-कश्मीर विधानसभा दा 9 दिनें दा इजलास कल्लै थमां श्रीनगर च शुरू होआ करदा ऐ जेदे लेई लोड़चदियां सब्बै तैयारियां मुकम्मल करी लैतियां गेदियां न। 23 तरीक कोला लेइये 31 तगर चलने आहले इस इजलास लेई स्पीकर अब्दुल रहीम राथर हुंदे आसेआ जारी शुरूआती कलेंडर मुजब इजलास दी शुरूआत पिछले ते इस इजलास दरान पूरे होई गेदे विधायकें, सांसदें या होर साबका मिम्बरें गी श्रद्धांजलि देने कन्नै होग। सदन दी कार्रवाई बाकी 6 दिनें तोड़ी चलग। इस केहड़े इजलास दरान कई महत्वपूर्ण विकास मुद्दें, आम जनता दी भलाई-बेहतरी सरबन्धी विषे ते केंद्र शासित प्रदेश कन्नै जुड़े दे मुद्दें पर चर्चा ते कार्रवाई होने दी मेद ऐ। इजलास दरान सुरक्षा ते दमानदारी बनाई रखने लेई बी लोड़चदे सब्बै बंदोबस्त कीते गेदे न।

<><><><><><>

Speaker Private Resolution

तोआई, जम्मू-कश्मीर विधानसभा दे स्पीकर अब्दुल रहीम राथर हारें पीडीपी दे कुपवाड़ा थमां विधायक मीर फयाज हुंदे आसेआ दिते गेदे प्रस्ताव गी शामिल करी लैता ऐ जेहदे च उपभोक्ताएं दे बिजली दी बकाया करां इक बारी माफ करी देने दी सफारश कीती गेदी ऐ। इस प्रस्ताव दा मकसद उपभोक्ताएं गी राहत देना ऐ जिनेंगी बिजली दी बधी दी कीमत, बिल जारी करने गी लेइए पेश आवा'रदिएं दिक्कर्ते करी परेशानी होआ करदी ऐ। विधायक आसेआ जमा करोआए गेदे

बिल गीस्पीकर हुंदे आसेआ जमा करी लैनेदे बाद इसी हून असैम्बली च पेश करने दे बिलें दी श्रेणी च रखेआ जाहग।
इस पैहल दा मकसद बिजली दे बिलें दे भारें हेठ दबोए दे आम लोकें गी राहत देना ऐ।

<><><><><><>

PM-MKB

प्रधानमंत्री नरेंद्र मोदी होर औंदी 26 अक्टूबर गी अपने रेडियो कार्यक्रम “मन की बात” राएं देश-विदेश च रौहने आहले
श्रोताएं कन्नै अपने विचार सांझे करडन। हर म्हीने दे खीरले ऐतवारें बडलै 11 बजे प्रसारित होने आहले इस कार्यक्रम दी
एह 127मीं किशत होग, जेहदे च शामिल करने लेई लोक अपने विचार ते सुझाऽ टोल फ्री नंबर 1800-11-7800 पर भेजी
सकदे न। एहदे अलावा लोक अपने विचार नरेंद्र मोदी ऐप जां माई गोव अपने फोरम पर ऑनलाइन बी भेजी सकदे न।
एह सुझाऽ भेजने दी खीरी तरीक 24 अक्टूबर रखी गेदी ऐ। हासल सुझाएं चा ताले गेदे किश विचारें गी इस कार्यक्रम च
शामल कीता जाई सकदा ऐ।

<><><><><><>

ते हुन बाकि दिएं खबरें कन्नै विजय बजाज।

Gallentary-Citation

केंद्र सरकार नै आपरेशन सिंदूर समेत बक्ख-बक्ख अभियानें दरान बड़ी मती हिम्मत ते दलेरी दा प्रदर्शन करने लेई रक्षा
कर्मिणें गी वीरता पुरस्कार प्रशस्ति पत्र प्रदान करने लेई गैजेटिड अधिसूचना जारी कीती ऐ। एहदे च शामिल प्रशस्ति पत्रें
च कर्नल कोषांक लाम्बा ते लेफ्टिनेंट कर्नल सुशील बिष्ट जनेए वीरें दे नाऽ शामिल न। कर्नल कोषांक लांबा होरें'गी जारी
गोलाबारी च गैर ममूली दलेरी हिम्मत ते वीरता दा प्रदर्शन करने लेई वीर चक्र कन्नै सम्मानित कीता गेआ ऐ जिसलै
कि लेफ्टिनेंट कर्नल सुशील बिष्ट होरें'गी आफिसर कमांडिंग दे रूपै च शानदार नेतृत्व, दलेरी ते हिम्मत दा प्रदर्शन करदे
होई आतंकी ठकानें गी पूरी चाल्ली तबाह करी देने च कामयाबी पर वीर चक्र दिता जा करदा ऐ। तोआई, ब्हाई फौज थमां
ग्रुप कैप्टन रणजीत सिंह सिद्धू होरें'गी चुने गेदे नशाने पर सटीक कार्रवाई मिशनें च स्क्वाड्रन दी कमान साम्भने लेई
वीर चक्र ते ग्रुप कैप्टन अमिनेश पाटनी होरें'गी इक अगेत्रे ब्हाई ठकाने थमां ब्हा च मार करने आहली मसाइल दागने
दरान बेहतरीन ते कामयाब नेतृत्व करदे होई अपने वसीलें दी रक्षा करदे होई दुश्मन गी भारी नुकसान पुजाने लेई वीर
चक्र कन्नै सम्मानित कीता जा'रदा ऐ। एहदे शा पैहले राष्ट्रपति द्रौपदी मुर्म होरें 127 वीरता पुरस्कारें ते 40 विशिष्ट सेवा
पुरस्कारें दी मंजूरी दिती ही।

Diwali-Celebrations

रोशनिएं दा ध्यार देआली - समूलचे जम्मू-कश्मीर च जंदे संगारें ते मंगलवारें पूरे जोश ते आस्था दे कन्नै मनाया गेआ। इस दरान लोकें अपने घरें-दकानें गी बड़े शैल सनाहकड़े ढंगै'नै सजाया जिसलै के नौजवानें ते बच्चें, रातीं दे बेल्ले शैल बम-पटाके चलाए ते आतिशबाजी दे कन्नै इस ध्यार दा जशन मनाया। इ'नें दौनें गै ध्याड़ें पर लोकें शैल रज्जियै खरीददारी कीती ते अपने रिश्तेदारें ते दोस्तें-मितरें गी मठेआइयां ते तोहफे बंड्डे। स'झां दे बेल्ले लोकें धन दी देवी मां लक्ष्मी जी दी पूजा कीती ते सबनें किट्ठे रलियै देआली दा ध्यार मनाया। जंदे रोज श्रीनगर दे ऐतिहासिक लाल चौक च दीपोत्सव दा आयोजन कीता गेआ जिस दरान ज्हारां बद्धे दीये बालियै देआली दा पर्व मनाया गेआ। बक्ख-बक्ख समुदायें दे लोकें किट्ठे रलियै इस मौके पर सद्भाव ते आपसी हिरख-प्रेम दा स्नेहा दिता। इस मौके पर दीपोत्सव च हिस्सा लैने आहले इक बसनीक ने अपने बचार सांझे करदे होई आखेआ

Retail Sector GST

तोआई इस ध्यारी रूतै दे दरान नरातें थमां लेइयै देआली तगर मुख्य भरै च चीजें-बस्तें दी रिकार्ड बिक्री दर्ज कीती गई ऐ। हासल आंकड़ें मूजब, इस दरान मुख्य भरै च 5 लक्ख 40 ज्हार करोड़ रुपें दे माल-समेयान दा बपार होआ ऐ जिसलै के सेवाएं दे खेतर च बपार दा आंकड़ा 65 ज्हार करोड़ रुपे दर्ज कीता गेआ ऐ। कन्फैडरेशन ऑफ ऑल इंडिया ट्रेडर्स आसेआ मुख्य भरै च करोआए गेदे सर्वेक्षण दे नतीजे एह् दस्सा करदे न जे पिच्छले ब'रे इस्सै अवधि दरान जेहड़े कारोबारी आंकड़े दर्ज कीते गे हे, ऐगती ओहदे कोला 25 फीसद मता कारोबार कीता गेआ ऐ। रियासी जिले थमां इक कारोबारी ने इस सरबंध्य च आखेआ ऐ जे इस ध्यारी रूतै दे दरान, कपड़े, इलैक्ट्रानिक्स, घरेलू इस्तेमाल आहले समेयान ते गड़्डियें वगैरा दे खेतर च मती बिक्री दर्ज कीती गई ऐ। इस सरबंध्य च आकाशवाणी समाचार कन्नै गल्ल करदे होई उ'नें आखेआ

Read by: Jagmohan Sharma and Vijay Bajaj

D.E.O : Varinder Kumar

Editor : Abhilasha Sharma